

IV. OPOSICIÓN E CONCURSOS**VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICA E XUSTIZA**

RESOLUCIÓN do 6 de xullo de 2018, da Dirección Xeral de Xustiza, pola que se convocan a concurso de traslado prazas vacantes entre funcionarios dos corpos e escalas de xestión procesual e administrativa, de tramitación procesual e administrativa e de auxilio xudicial da Administración de xustiza.

Dado que na Administración de xustiza se atopan vacantes postos de traballo xenéricos dos corpos e escalas de xestión procesual e administrativa, de tramitación procesual e administrativa e de auxilio xudicial, dotados orzamentariamente, no ámbito territorial desta comunidade autónoma, procede a súa convocatoria en concurso de traslado, de conformidade co establecido no título VIII da Lei orgánica 6/1985, do 1 de xullo, do poder xudicial, modificado polo artigo único.124 da Lei orgánica 19/2003, do 23 de decembro, así como no artigo 43 e seguintes e mais na disposición derogatoria única do Regulamento de ingreso, provisión de postos de traballo e promoción profesional do persoal funcionario ao servizo da Administración de xustiza, aprobado polo Real decreto 1451/2005, do 7 de decembro.

Por todo o anterior, a Dirección Xeral de Xustiza, coordinadamente co Ministerio de Xustiza, dispuxo convocar un concurso para a provisión dos postos que se relacionan no anexo I, consonte as seguintes bases:

Primeira. Postos que se poden solicitar

1. Os funcionarios participantes poderán solicitar calquera das prazas incluídas no anexo I, sempre que na data de remate do prazo de presentación de solicitudes reúnan as condicións xerais exixidas e os requisitos determinados nesta convocatoria e os manteñan todos ata a resolución definitiva do concurso, sen ningunha limitación por razón da localidade de destino.

2. As devanditas vacantes identificaranse polo número de orde do órgano xudicial. Coa soa solicitude do número de orde dun órgano xudicial enténdense solicitadas todas as prazas vacantes anunciadas para ese número de orde do corpo existentes no dito órgano e, así mesmo, todas as súas posibles resultas naqueles casos en que se anuncien.

3. Tamén poderán solicitar as prazas que queden vacantes como consecuencia da resolución do presente concurso, que se incorporarán en concepto de resultas ás vacantes



ofertadas, salvo que estean ocupadas por funcionarios titulares adscritos provisionalmente, que se pretendan amortizar en virtude de proxecto de modificación do cadro orgánico, redistribución ou reordenación de efectivos, ou que a dotación asignada a un órgano xudicial se atope sobredotada por un ou máis funcionarios titulares, caso en que non se xerará ningunha resulta correspondente ás prazas do corpo de que se trate. Tampouco producirá resulta o funcionario que estando a ocupar unha praza como adscrito provisional participe neste concurso e obteña unha praza con carácter definitivo. Poderanse solicitar intercaladas vacantes e resultas.

As prazas que se anuncien unicamente en calidade de posibles resultas teñen que identificarse igualmente polo número de orde do órgano xudicial. Coa soa solicitude do número de orde dun órgano xudicial enténdense solicitadas todas as posibles resultas que se poidan producir para ese número de orde do corpo correspondente.

Non teñen a consideración de resultas aquelas prazas que deixen desertas os participantes noutros concursos simultáneos a este.

Co fin de que os posibles solicitantes poidan exercer o dereito que se lles recoñece de solicitar as resultas producidas pola resolución do concurso, desde a data de publicación desta resolución, e durante o período de presentación de solicitudes, exporase no portal do Ministerio de Xustiza (www.mjusticia.gob.es), nos taboleiros de anuncios das xerencias territoriais do departamento e nos departamentos competentes das consellerías das comunidades autónomas con transferencia de funcións en materia de provisión de medios persoais ao servizo da Administración de xustiza, a relación de órganos xudiciais e fiscais e de servizos da Administración de xustiza da mesma natureza ca os convocados que se poden solicitar, con indicación do número de orde dos ditos órganos.

Os funcionarios participantes deberanse asegurar de que os números de orde de convocatoria que especifiquen na súa instancia se corresponden cos publicados para este concurso, tanto no anexo I coma nas resultas, co fin de evitar que se indiquen outros códigos correspondentes a outros concursos.

4. A sigla VSM que aparece en determinadas prazas significa que os ditos órganos xudiciais compatibilizarán as súas funcións correspondentes á orde civil e penal coa materia relativa á violencia sobre a muller, consonte o Acordo do 22 de xuño de 2005 do Pleno do Consello Xeral do Poder Xudicial (BOE do 28 de xuño). O resto de siglas que figuran nas columnas «Denominación» e «ATP» significan o seguinte: AV (asistencia á vítima);



CP (centro penitenciario); DE (dedicación especial); GA (gardas); HE (horario especial); ML (medicina legal).

5. Neste concurso xeral anual e a resultas, o número máximo de órganos xudiciais que se poderá solicitar entre prazas vacantes e resultas non poderá superar os 200 números de orde, entendendo que cada número de orde comprende todas as vacantes anunciadas e as posibles resultas, se for o caso, do órgano xudicial de que se trate. Establécese este límite de acordo coa facultade que permite o artigo 42 do Real decreto 1451/2005, do 7 de decembro, co obxecto de axilizar o concurso, dada a participación masiva de funcionarios e que se trata dun concurso xeral que afecta os tres corpos ou escalas, e en virtude do disposto no acordo marco suscrito entre o Ministerio de Xustiza e as comunidades autónomas que recibiron o traspaso de competencias de medios persoais e materiais.

6. Non se admitirá ningunha modificación á solicitude de destino formulada unha vez transcorrido o prazo de presentación de instancias. Tampouco se admitirá, unha vez resolto o concurso definitivamente, a renuncia ao destino obtido por ningún motivo alegado, nin tampouco polo feito de se equivocar o concursante á hora de cubrir os números de orde da instancia, polo que os funcionarios que participen no concurso deberán asegurarse de que todos os números de orde de convocatoria que solicitan se corresponden exactamente coas denominacións dos órganos xudiciais ofertados.

7. Poderase admitir a renuncia á participación no concurso, para cuxo efecto se terá como prazo ata o último día de presentación de alegacións á resolución provisional, naqueles casos debidamente xustificadas.

8. Excepcionalmente, poderase eliminar algunha das prazas anunciadas como vacantes ou resultas, no caso de que se produza de forma sobrevida algunha circunstancia que obrigue a facelo así.

9. No suposto de que se produza unha separación de xurisdicións nalgún partido xudicial do ámbito territorial do Ministerio de Xustiza, as prazas afectadas pola dita separación anunciadas no anexo I da presente convocatoria, e as súas respectivas resultas, entenderanse referidas aos órganos xudiciais coa nova denominación.

Segunda. *Requisitos e condicións de participación*

1. Poderán tomar parte no presente concurso e solicitar as vacantes de órganos xudiciais dos corpos ou escalas de xestión procesual e administrativa, de tramitación procesual



e administrativa e de auxilio xudicial da Administración de xustiza os funcionarios pertencentes aos ditos corpos ou escalas, calquera que sexa a súa situación administrativa, bardante dos que tras obteren destino en anteriores concursos non tomasen posesión do destino que lles foi adxudicado; dos declarados suspensos en firme, mentres dure a suspensión; e dos sancionados con traslado forzoso, ata que transcorra un ou tres anos, para obter destino na mesma localidade en que se lles impuxo a sanción, se se trata de falta grave ou moi grave, respectivamente, neste caso computaranse os prazos de conformidade co previsto no artigo 43.2.c) do Real decreto 1451/2005, do 7 de decembro.

Os funcionarios en situación de servizo activo deberán manter esta situación ata a resolución definitiva do concurso. Aqueles que se atopen nas situacións de servizos especiais ou excedencia voluntaria por coidado de familiares, no suposto de reingresaren ao posto de traballo reservado non serán excluídos da participación no concurso. Tampouco serán excluídos os funcionarios en activo que pasen á situación de servizos especiais ou de excedencia voluntaria por coidado de familiares.

No caso de que os funcionarios que se atopen nas situacións de activo, de servizos especiais ou de excedencia voluntaria por coidado de familiares pasen, durante o proceso de resolución do concurso, ás situacións de excedencia voluntaria por prestación de servizos no sector público, de excedencia voluntaria por interese particular, de excedencia voluntaria por agrupación familiar ou de suspensión definitiva, serán excluídos da participación no concurso.

Se un funcionario en situación de excedencia voluntaria por estar prestando servizos como letrado substituto participa no concurso solicitando o reingreso e ao longo do proceso do concurso é adscrito provisionalmente no corpo de xestión, non se considerará que se modifica a súa situación administrativa para os efectos previstos na base primeira, punto 1. Tampouco sería excluído por motivo de cambio de situación administrativa o funcionario adscrito provisionalmente no corpo de xestión procedente da situación de excedencia voluntaria por prestar servizos como letrado substituto se, unha vez transcorrido o prazo de presentación de instancias, volve ser nomeado como letrado substituto.

2. Os funcionarios dos corpos ou escalas de xestión, tramitación e auxilio só poderán participar, para o mesmo corpo ou escala en que están en activo, se na data de remate do prazo de presentación de instancias transcorreu un período de dous anos desde que se pronunciou a resolución pola que se convocou o concurso de traslados en que o funcionario obtivo o seu último destino definitivo no corpo ou escala desde o que participa, ou a



resolución en que se lle adxudicou destino definitivo se se trata de funcionarios de novo ingreso. Para o cómputo dos anos considerarase como primeiro ano o ano natural en que se pronunciaron as resolucións de que se trate, con independencia da súa data, e como segundo ano, o ano natural seguinte (artigo 46.1 do Real decreto 1451/2005, do 7 de decembro).

3. Os funcionarios reingresados ao servizo activo mediante adscrición provisional (artigo 68.c) do Real decreto 1451/2005, do 7 de decembro), obrigados a participar nos concursos de acordo coa normativa vixente, estarán excluídos da limitación temporal prevista no punto 2 desta base. Estarán obrigados a solicitar todas as prazas vacantes e posibles resultas anunciadas correspondentes ao seu corpo ou escala da provincia onde se atopen adscritos. De non participaren no primeiro concurso convocado con posterioridade á adscrición provisional, pasarán á situación de excedencia voluntaria por interese particular. No suposto de que, existindo prazas na provincia de adscrición, non soliciten todos os postos de traballo ou soliciten postos de traballo doutra provincia e non obteñan destino, o órgano competente da comunidade autónoma transferida ou do ámbito do ministerio en que estean adscritos adxudicaralles, con carácter definitivo, unha praza no ámbito da provincia en que estean adscritos provisionalmente, e, de non a haber, no ámbito da comunidade autónoma.

No caso de non obterem destino definitivo e de que se cubrixe o posto de traballo que ocupaban provisionalmente, serán adscritos de novo de forma provisional a un posto de traballo vacante de calquera oficina xudicial ou centro de destino situado na provincia ou na área territorial en que se agrupasen as vacantes para efecto de concurso. Se non obtiveren destino definitivo no seguinte concurso, adxudicaráselles de forma definitiva calquera dos postos de traballo que resulten vacantes no dito concurso en calquera ámbito territorial (artigo 69 do Real decreto 1451/2005, do 7 de decembro). Deberán achegar, canda a súa instancia, fotocopia do documento F1R polo que foron adscritos provisionalmente á praza en que se atopen desempeñando actualmente as súas funcións.

4. Os funcionarios que se atopen na situación da excedencia voluntaria establecida no artigo 506.d) da Lei orgánica 6/1985, do 1 de xullo, do poder xudicial (excedencia por prestación de servizos no sector público), modificado polo artigo único.124 da Lei orgánica 19/2003, do 23 de decembro, non terán ningunha restrición temporal para reingresaren no corpo en que figuren na dita situación.

Os funcionarios que se atopen nas situacións de excedencia voluntaria establecidas no artigo 506, letras e) e f), da Lei orgánica 6/1985, do 1 de xullo, do poder xudicial (exceden-



cia por interese particular e por agrupación familiar), modificado polo artigo único.124 da Lei orgánica 19/2003, do 23 de decembro, só poderán participar no concurso se na data de remate do prazo de presentación de solicitudes transcorreron dous anos, como mínimo, desde que foron declarados en tal situación.

5. Os funcionarios en situación de excedencia para o coidado de familiares ao abeiro do disposto no artigo 509 da Lei orgánica 6/1985, do 1 de xullo, do poder xudicial, modificado polo artigo único.124 da Lei orgánica 19/2003, do 23 de decembro, só poderán concursar se transcorreron os dous anos establecidos no artigo 46.1 do Real decreto 1451/2005, do 7 de decembro.

6. Os suspensos definitivos que se atopen adscritos con carácter provisional (artigo 68.e) do Real decreto 1451/2005, do 7 de decembro) deberán participar neste concurso co obxecto de obter un posto de traballo definitivo. De non participaren neste concurso ou non obtiren o posto de traballo solicitado, destinaranse, se é o caso, con carácter definitivo a calquera dos non adxudicados aos outros concursantes dentro do ámbito territorial correspondente onde se atopen adscritos.

7. Os funcionarios do corpo de xestión procesual e administrativa que se atopen adscritos provisionais por cesaren como letrados substitutos gozarán de dereito preferente para ocuparen, a primeira vez que se anuncien a concurso, postos de traballo xenéricos na localidade onde se atopen adscritos, segundo o establecido no artigo 70.3 do Real decreto 1451/2005, do 7 de decembro, e non perderán a preferencia se unha vez transcorrido o prazo de presentación de instancias volven ser nomeados como letrados substitutos. Se non puideren chegar a ocupar tales postos de traballo por concorreren a eles con outros funcionarios tamén con dereito preferente aos cales lles sexan adxudicados, continuarán en situación de adscrición provisional ata que se lles poida adxudicar posto de traballo definitivo en virtude da súa participación nos sucesivos concursos, e con solicitude deles de todas as prazas vacantes na localidade de adscrición.

De non pediren a preferencia indicada, non participaren no concurso ou non solicitaren todas as prazas vacantes do anexo I da localidade en que se atopen adscritos, aínda cando non fose anunciada a praza en que se achen adscritos provisionais, derivando diso a non obtención de posto de traballo, o órgano competente da comunidade autónoma transferida ou do ámbito do ministerio en que estean adscritos destinarao, con carácter definitivo, a calquera dos postos non adxudicados.



Se a dita adscrición provisional se efectuou dentro do prazo de presentación de instancias, non teñen obriga de concursar.

8. O funcionario que renunciase a un posto de traballo obtido por concurso específico (artigo 68.a) do Real decreto 1451/2005, do 7 de decembro), e ao cal se lle atribuíu o desempeño provisional dun posto de traballo, gozará de dereito preferente para ocupar, a primeira vez que se anuncie a concurso, un posto de traballo xenérico na mesma localidade onde servía cando se produciu o seu cesamento, debendo solicitar todos os postos de traballo que se convoquen na devandita localidade, segundo o establecido no artigo 54 do Real decreto 1451/2005, do 7 de decembro. De non participar no presente concurso, adxudicáraselle con carácter definitivo calquera dos postos non adxudicados.

O funcionario que renunciase ou que cesase dun posto de traballo obtido por libre designación (artigos 62 e 68.a) do Real decreto 1451/2005, do 7 de decembro), e ao cal se lle atribuíu o desempeño provisional dun posto de traballo, gozará de dereito preferente para ocupar, a primeira vez que se anuncie a concurso, un posto de traballo xenérico na mesma localidade onde servía cando se produciu o seu cesamento, debendo solicitar todos os postos de traballo que se convoquen na devandita localidade. De non participar no presente concurso ou non obter ningún dos destinos solicitados, adxudicáraselle con carácter definitivo calquera dos postos non adxudicados.

9. Regulación do dereito de preferencia á localidade indicado nos puntos 7 e 8 da presente base:

9.1. A preferencia estende os seus efectos a todos os números de orde vacantes dunha localidade determinada, pero isto non implica que se deba adxudicar o primeiro número de orde de preferencia que solicite na súa instancia o interesado, senón que a norma establece que o concursante con este dereito obteña destino en calquera número de orde anunciado como vacante nunha localidade determinada, coas especificacións que se indicarán nos puntos seguintes, polo que, para exercer este dereito, deberán solicitar obrigatoriamente todos os números de orde de convocatoria vacantes do anexo I que se oferten na localidade para a que se exerce a preferencia e agrupar estas peticións nos primeiros números de orde de preferencia da solicitude, ordenando o resto dos números de orde de convocatoria pedidos sen preferencia a continuación, entre os que tamén se poderán solicitar voluntariamente o resto de números de orde de convocatoria a resultas da localidade para a que se exerce a preferencia. Igualmente, deberán solicitalo na súa instancia, especificando a localidade do destino onde se atopen adscritos no campo P-1 e achegan-



do fotocopias compulsadas dos documentos acreditativos da dita preferencia (adscripción provisional, acta de posesión).

9.2. Se non obtiver destino coa súa puntuación nalgún dos números de orde de convocatoria solicitados na localidade para a que exerceu a preferencia, e non existiren outros funcionarios tamén con preferencia para a mesma localidade e con maior puntuación, adxudicaráselle aquel número de orde da dita localidade do anexo I que obtivese o concursante con menor puntuación, dirimíndose o caso de empate entre varios concursantes polo número de escalafón, e perdendo este o dereito a obter destino nese número de orde pero podendo optar aos seguintes da súa solicitude de participación.

9.3. Non se terá en conta a preferencia se non cumpre cos seguintes requisitos: solicitar todos os números de orde de convocatoria vacantes do anexo I da localidade de que se trate nos primeiros postos de preferencia da solicitude; facer constar expresamente no campo P-1 do modelo de instancia a localidade para a que desexa acollerse á preferencia, e achegar fotocopias compulsadas dos documentos aludidos no punto 9.1.

10. O funcionario rehabilitado adscrito provisionalmente a que se refire o artigo 68.f) e o punto 2 do artigo 72 do Real decreto 1451/2005, do 7 de decembro, deberá participar no primeiro concurso de traslados que se convoque, co obxecto de obter un posto de traballo. De non participar neste concurso ou non obter o posto de traballo solicitado será destinado, se é o caso, con carácter definitivo a calquera dos non adxudicados aos outros concursantes en calquera ámbito territorial.

11. O funcionario cuxo posto de traballo lle fose adxudicado de forma forzosa por mor da reordenación de efectivos prevista no artigo 52 do Regulamento orgánico dos corpos de oficiais, auxiliares e axentes da Administración de xustiza, aprobado polo Real decreto 249/1996, do 16 de febreiro, poderá participar nos concursos de traslados aínda que non transcorrese o prazo legalmente establecido. Así mesmo, terá dereito preferente, por unha soa vez, para obter outro posto do propio centro de traballo (artigo 51 do Real decreto 249/1996, do 16 de febreiro) con ocasión do concurso ordinario en que se ofrezca, e tomando parte nel.

Para poder exercer o dito dereito deberase axustar ás seguintes especificacións:

– Solicitar nos primeiros lugares da orde de preferencia da solicitude aqueles postos de traballo pertencentes ao centro de traballo para o que desexa acollerse á citada preferencia.



– Indicar no modelo de instancia marcado como V-3, no campo P-2, o centro de traballo e a localidade para os que desexa acollerse á preferencia.

– Achegar fotocopia compulsada do seu nomeamento con carácter forzoso para o centro de traballo e localidade indicados no campo P-2.

No caso de que non siga as instrucións especificadas nos tres parágrafos anteriores perderá, para o presente concurso, o dereito preferente que lle recoñece o citado artigo 52.c).

12. O funcionario cuxo posto de traballo lle fose adxudicado mediante un proceso de reasignación forzosa previsto no artigo 67 do Real decreto 1451/2005, do 7 de decembro, poderá participar nos concursos de traslados aínda que non transcorrese o prazo legalmente establecido no artigo 46.1 do mesmo regulamento. Así mesmo, terá dereito preferente para obter un posto de traballo no seu centro de destino de orixe no primeiro concurso de postos xenéricos en que se oferten prazos do dito centro.

Para poder exercer o dito dereito deberá axustarse ás seguintes especificacións:

– Solicitar nos primeiros lugares da orde de preferencia da solicitude aqueles postos de traballo pertencentes ao centro de destino para o que desexa acollerse á citada preferencia.

– Indicar no modelo de instancia marcado como V-3, no campo P-2, o centro de traballo e a localidade para os que desexa acollerse á preferencia.

– Achegar fotocopia compulsada do seu nomeamento por reasignación forzosa para o centro de destino e localidade indicados no campo P-2.

No caso de que non siga as instrucións especificadas nos tres parágrafos anteriores perderá, para o presente concurso, o dereito preferente que lle recoñece o citado artigo 67.

13. Os funcionarios que estean desempeñando un posto singularizado por concurso específico ou por libre designación poderán participar no presente concurso sempre que desempeñasen o citado posto polo menos durante un ano, contado desde a data da súa toma de posesión (artigo 54 ou 62 do Real decreto 1451/2005, do 7 de decembro).

14. Ao resultaren irrenunciabes os destinos obtidos por instancia do funcionario, no caso de obter destino o reingresado ao servizo mediante concurso de traslado, quedará auto-



maticamente en excedencia no corpo en que se atopaba en activo. Non obstante, aqueles funcionarios que obtivesen un posto de traballo por concurso específico poderán renunciar a este se antes do remate do prazo de toma de posesión obteñen un destino definitivo no presente concurso, e o interesado quedará obrigado a comunicarllo ao órgano convocante. De incumprir este deber de comunicación, deberá o funcionario tomar posesión no primeiro dos destinos adxudicados, segundo o establecido no artigo 53 do Real decreto 1451/2005, do 7 de decembro.

Se o concurso específico se resolve con anterioridade á resolución definitiva do concurso ordinario, prevéndose tamén o transcurso do prazo posesorio daquel, o funcionario afectado deberá tomar posesión do destino obtido no concurso específico, sen ter xa opción para o concurso ordinario. Se o concurso específico se resolve con posterioridade ao concurso ordinario, unha vez transcurrido o prazo posesorio deste, perderá a opción para o concurso específico.

Terceira. *Baremos*

A valoración de méritos para a adxudicación dos postos de traballo farase de acordo co baremo establecido para valorar a antigüidade (artigo 48.1.a) do Real decreto 1451/2005, do 7 de decembro) e o coñecemento da lingua oficial propia das comunidades autónomas, segundo o establecido na letra b) do mesmo artigo.

1. Antigüidade. Polos servizos efectivos prestados como funcionario de carreira no corpo ou escala para o que participa outorgaranse dous puntos por cada ano completo de servizos, computándose proporcionalmente os períodos inferiores (0,00555556 por día). Para estes efectos, os meses consideraranse de trinta días, e valorarase ata un máximo de 60 puntos.

2. Coñecemento oral e escrito da lingua oficial propia da comunidade autónoma. Nas prazas situadas na Comunidade Autónoma de Galicia o coñecemento oral e escrito da lingua galega debidamente acreditado por medio de certificación oficial da comunidade autónoma, ou homologación do título achegado e do nivel a que corresponda o título, supón o recoñecemento, só para estes efectos, de ata doce puntos segundo o nivel de coñecementos acreditado, nos termos seguintes:

- 1) Certificado Celga 4 ou similar: catro puntos.
- 2) Curso medio de linguaxe xurídica galega: oito puntos.
- 3) Curso superior de linguaxe xurídica galega: doce puntos.



Os documentos que se acheguen acreditativos destes coñecementos do idioma deberán ser fotocopias compulsadas, e non se valorarán os que non cumpran este requisito.

Os méritos valoraranse á data de remate do prazo de presentación de solicitudes. Estes certificados non serán acumulativos, polo que en caso de que o concursante posúa títulos de varios niveis, só se valorará o superior.

Cuarta. *Modelos e prazos de presentación de solicitudes*

O modelo da solicitude de inscrición é o anexo II que aparece publicado nesta resolución, o cal se confeccionará exclusivamente polos medios telemáticos indicados no punto 8 da presente base.

1. Anexo II. Recadro V-1. Os funcionarios destinados definitivamente en postos de traballo dos corpos e escalas de xestión, tramitación e auxilio correspondentes a Galicia, así como os que se atopen en situación de servizos especiais e excedentes por coidado de familiares que teñan reservado o seu posto de traballo en Galicia, presentarán a súa solicitude, sinalando o recadro V-1 do anexo II desta resolución e cubrindo todas as epígrafes que se lles exixan, no prazo dos dezaseis días hábiles seguintes ao da publicación da presente convocatoria no *Diario Oficial de Galicia*, ou contados a partir do día seguinte ao da súa publicación no *Boletín Oficial del Estado* no caso de que a publicación non se faga simultaneamente no *Boletín Oficial del Estado* e no *Diario Oficial de Galicia*. Esta solicitude dirixirase á Dirección Xeral de Xustiza, da Vicepresidencia e Consellería de Presidencia, Administracións Públicas e Xustiza da Xunta de Galicia, e presentarse no Rexistro Xeral da Xunta de Galicia, situado no Edificio Administrativo San Caetano, s/n, 15781 Santiago de Compostela.

2. Anexo II. Recadro V-2. Os funcionarios destinados en postos de traballo doutros corpos e escalas da Administración de xustiza ou doutras administracións que se atopen na excedencia do artigo 506.d) da Lei orgánica 6/1985, do 1 de xullo, do poder xudicial, modificado polo artigo único.124 da Lei orgánica 19/2003, do 23 de decembro, nos corpos e escalas de xestión, tramitación ou auxilio, que desexen solicitar prazas ofertadas no presente concurso e fagan constar como primeiro destino calquera das convocadas mediante a presente resolución, presentarán a súa solicitude, sinalando o recadro V-2 do anexo II desta resolución e cubrindo todas as epígrafes que se lles exixan, no prazo dos dezaseis días hábiles seguintes ao da publicación da presente convocatoria no *Diario Oficial de Galicia*, ou contados a partir do día seguinte ao da súa publicación no *Boletín Oficial del*



Estado no caso de que a publicación non se faga simultaneamente no *Boletín Oficial del Estado* e no *Diario Oficial de Galicia*. Esta solicitude dirixirase á Dirección Xeral de Xustiza, da Vicepresidencia e Consellería de Presidencia, Administracións Públicas e Xustiza da Xunta de Galicia, e presentarse no Rexistro Xeral da Xunta de Galicia, situado no Edificio Administrativo San Caetano, s/n, 15781 Santiago de Compostela.

3. Anexo II. Recadro V-3. Os solicitantes que se atopen en calquera das seguintes situacións:

- Os excedentes voluntarios por agrupación familiar ou por interese particular.
- Os adscritos provisionais por reingresaren desde a situación de suspensión definitiva.
- Os adscritos provisionais por reingresaren ao seren rehabilitados.
- Os participantes con adscrición provisional por reingresaren ao servizo activo que non teñan reserva de posto de traballo.
- Os adscritos provisionais por cesamento ou renuncia dun posto obtido por libre designación ou por renunciaren a un posto obtido por concurso específico.
- Os adscritos provisionais por reingresaren ao cesar como letrados substitutos.
- Os incursos na reordenación de efectivos do artigo 52.c) do Real decreto 249/1996, do 16 de febreiro, ou na reasignación forzosa do artigo 67 do Real decreto 1451/2012, do 7 de decembro.

Todos eles presentarán a súa solicitude, sinalando o recadro V-3 do anexo II desta resolución e cubrindo todas as epígrafes que se lles exixan, no prazo dos dezaseis días hábiles seguintes ao da publicación da presente convocatoria no *Diario Oficial de Galicia*, ou contados a partir do día seguinte ao da súa publicación no *Boletín Oficial del Estado* no caso de que a publicación non se faga simultaneamente no *Boletín Oficial del Estado* e no *Diario Oficial de Galicia*. Esta solicitude dirixirase á Dirección Xeral de Xustiza, da Vicepresidencia e Consellería de Presidencia, Administracións Públicas e Xustiza da Xunta de Galicia, e presentarse no Rexistro Xeral da Xunta de Galicia, situado no Edificio Administrativo San Caetano, s/n, 15781 Santiago de Compostela.

4. As solicitudes poderanse remitir tamén na forma prevista no artigo 16 da Lei 39/2015, do 1 de outubro, do procedemento administrativo común das administracións públicas.



Para os efectos informativos, indícase que existe unha relación actualizada de oficinas de rexistro da Administración xeral do Estado na páxina www.administracion.gob.es (atopa a túa oficina → Oficinas de rexistro), a cal poden consultar para os efectos da presentación da instancia de participación no concurso.

As que se presenten nas oficinas de Correos enviaranse en calquera das dúas modalidades seguintes:

a) Por correo ordinario, caso en que deberán ter entrada no Rexistro Xeral do Ministerio de Xustiza, xerencias territoriais ou Rexistro Xeral da Vicepresidencia e Consellería de Presidencia, Administracións Públicas e Xustiza da Comunidade Autónoma de Galicia (Edificio Administrativo San Caetano, s/n, 15781 Santiago de Compostela), para os funcionarios destinados nos xulgados e tribunais de Galicia, en todo caso antes da data de remate do prazo de presentación de instancias.

b) Por correo certificado, en cuxo suposto se presentarán nas oficinas de Correos en sobre aberto para seren datadas e seladas polo funcionario de Correos antes de seren remitidas. Os participantes no concurso deberán enviar a instancia que teña o selo da oficina de Correos, sen que se poida admitir, unha vez pasado o prazo de presentación de instancias, aquela que non cumpra este requisito, aínda que posteriormente se puiden acreditar tal aspecto.

5. Os excedentes voluntarios por interese particular achegarán canda a súa solicitude unha declaración de que non foron separados de ningunha das administracións públicas.

Os excedentes voluntarios por prestación de servizos no sector público, segundo o artigo 506.d) da Lei orgánica do poder xudicial, deberán axuntar á súa solicitude de participación no concurso unha declaración de non se atoparen en situación de suspensión firme de funcións.

6. A solicitude para tomar parte neste concurso será única para cada funcionario participante, aínda que se soliciten prazas radicadas no territorio das comunidades autónomas con competencias transferidas que, polo tanto, figuren nas convocatorias que simultaneamente a esta realicen os gobernos autónomos e se publiquen, así mesmo, nos boletíns oficiais das comunidades autónomas respectivas.

Do mesmo xeito, mediante unha única instancia deberá optar por participar desde o corpo en que o funcionario se atope en activo ou reingresar ao servizo activo noutro corpo



do que forme parte como excedente. No caso de presentar dúas instancias solicitando destinos en dous corpos e escalas distintos, serán anuladas as dúas solicitudes, quedando, polo tanto, o funcionario excluído da participación no concurso.

7. A solicitude formulada será vinculante para o petionario unha vez transcorrido o período de presentación de instancias, no senso de que non será posible a súa modificación. Se alguén desexa rectificar a súa instancia poderá presentar unha nova solicitude, para o mesmo corpo/escala en que participaba, antes do remate do prazo de presentación de instancias, a cal anulará automaticamente a presentada con anterioridade. Tamén poderá renunciar á participación no concurso antes da finalización do prazo de alegacións á resolución provisional, segundo o indicado na base primeira, punto 7.

8. Todas as solicitudes se confeccionarán de forma telemática a través do asistente de inscrición.

Todos os funcionarios que participen no presente concurso de traslados entre funcionarios dos corpos de xestión, tramitación e auxilio polo ámbito da Comunidade Autónoma de Galicia deberán encher a solicitude por medios telemáticos entrando no portal do Ministerio de Xustiza, no seguinte enderezo: www.mjusticia.gob.es (CIDADÁNS → Emprego público → Concursos de traslados → CONCURSO DE TRASLADOS ORDINARIO XESTIÓN, TRAMITACIÓN E AUXILIO 2018).

Unha vez que entren na devandita páxina premerán na ligazón que aparece nela co nome «G.T.A. Concurso de traslados», e o sistema guiarao na confección da solicitude seguindo as instrucións que se lles irá indicando. Tamén poden consultar o Manual do asistente de inscrición web publicado no dito portal e, se teñen algunha dúbida, poden chamar ao teléfono de atención ao usuario 913 90 46 05.

Con isto conseguirase o obxectivo de evitar erros na transcripción dos códigos, posto que os datos gravados polo concursante quedarán automaticamente almacenados no sistema informático.

Os concursantes deberán presentar o modelo de instancia no impreso definitivo xerado polo asistente informático, e non o borrador, xa que este non tería validez. A devandita presentación realizarase polo sistema ordinario, de acordo co especificado nos puntos 1 a 7 da presente base.



Se dentro do prazo de presentación de solicitudes algún dos solicitantes quere modificar unha solicitude xa confirmada, poderá volver xerar e confirmar unha nova solicitude a través do asistente, que deberá presentar consonte os puntos 1 a 7 desta base aludidos anteriormente.

Considerarase válida a solicitude que teña o selo do rexistro de entrada, dentro do prazo, con data posterior, quedando anulada, polo tanto, a solicitude que teña estampado o selo do rexistro de entrada con data anterior.

Non serán admitidas aquelas solicitudes que non se confeccionasen telematicamente co dito asistente de inscrición.

Quinta. *Peticións condicionadas*

No caso de estaren interesados nas vacantes que se anuncian para un mesmo municipio, partido xudicial ou provincia dous funcionarios do mesmo ou distinto corpo, poderán condicionar a súa petición ao feito de que ambos os dous obteñan destino no mesmo municipio, partido xudicial ou provincia, entendéndose en caso contrario desistidas as peticións condicionadas efectuadas por ambos. Os funcionarios que se acollan a esta petición condicionada deberán concretalo na súa instancia no campo C especificando o nome, apelidos e NIF da persoa con quen condicionan, e xuntando fotocopia da solicitude do outro funcionario. Se algún dos concursantes non o indica no campo C, quedarán anuladas ambas as instancias.

Polo feito de cubrir o campo C da instancia enténdese que se acollen á petición condicionada prevista no artigo 48.2 do Regulamento de ingreso e provisión de postos de traballo en todos os números de orde solicitados.

Sexta. *Tramitación*

A Dirección Xeral de Xustiza da Xunta de Galicia e, se for o caso, as unidades competentes do Ministerio de Xustiza e das comunidades autónomas con competencias transferidas ante as que se presentasen as instancias efectuarán a baremación baseándose nos datos que figuran nas solicitudes.

Sétima. *Adxudicacións*

1. A orde de prioridade para a adxudicación dos postos de traballo virá dada pola puntuación total obtida segundo os baremos establecidos na base terceira desta convocatoria.



2. En caso de empate na puntuación total, incluído o idioma, acudirase para dirimilo á maior antigüidade no corpo de que se trate e, de persistir o empate, ao número de orde obtido no proceso selectivo de acceso ao dito corpo.

Oitava. *Resolución provisional*

1. A presente convocatoria será resolta provisionalmente de forma coordinada entre o Ministerio de Xustiza e os órganos competentes das comunidades autónomas con competencias transferidas, de xeito que a resolución provisional se publique simultaneamente no *Boletín Oficial del Estado*, no portal do Ministerio de Xustiza e na web da Vicepresidencia e Consellería de Presidencia, Administracións Públicas e Xustiza da Xunta de Galicia, así como na intranet da Dirección Xeral de Xustiza da Xunta de Galicia. Os anexos III de todos os participantes, que conterán a baremación e o destino provisionalmente adxudicado, publicaranse na web do Ministerio de Xustiza e, se for o caso, na das comunidades autónomas con competencias transferidas.

2. A resolución provisional porá á disposición dos interesados na web do Ministerio de Xustiza (www.mjusticia.gob.es) e mais na web da Vicepresidencia e Consellería de Presidencia, Administracións Públicas e Xustiza da Xunta de Galicia os anexos III de todos os participantes, así como a relación de excluídos, coas causas de exclusión, e mais a relación en orde alfabética das adxudicacións.

O anexo III é a solicitude do concursante, con expresión dos seus datos persoais, da súa situación administrativa, do número de orde e da denominación dos destinos gravados no asistente de inscrición, coa preferencia desexada polo interesado, constandingo tamén, coa información relativa ao baremo dos méritos, o destino provisionalmente adxudicado, se for o caso, e mais os números de orde rexeitados e a súa causa.

3. Contra a resolución provisional, o anexo III e a relación de excluídos caberá formular alegacións desde a súa publicación nos sitios referidos, ou desde a data que nela se indique e durante o prazo que igualmente se estableza na resolución provisional, para o cal deberán achegar no dito prazo a proba documental oportuna e fotocopia selada da instancia que presentaron no seu día, de acordo co establecido no artigo 73 da Lei de procedemento administrativo común das administracións públicas, no Rexistro Xeral do Ministerio de Xustiza (rúa da Bolsa, 8, 28012 Madrid), utilizando, para o efecto, o modelo que se xunta na presente convocatoria como anexo IV, dirixido ao seguinte enderezo:

Ministerio de Xustiza - Subdirección Xeral de Medios Persoais ao Servizo da Administración de Xustiza - Sección Concursos - R/ San Bernardo, 21, 28015 Madrid.



De non se reclamar no prazo establecido, entenderase que amosa a súa conformidade e a aceptación dos datos contidos, da súa baremación e do destino provisionalmente adxudicado.

As ditas alegacións serán comprobadas, resolverase o que proceda en dereito e o resultado será reflectido na resolución definitiva do concurso, polo que non será notificado persoalmente aos interesados.

Ao se tratar dun concurso a resultas, os destinos provisionalmente adxudicados poden sufrir modificacións na resolución definitiva como consecuencia das correccións que se puidesen producir na xestión das instancias. En calquera caso, os destinos asignados provisionalmente non supoñen expectativa de dereito respecto da resolución definitiva do concurso.

Novena. *Resolución definitiva e prazo posesorio*

1. Unha vez resoltas as alegacións, a presente convocatoria será resolta definitivamente de forma coordinada entre o Ministerio de Xustiza e os órganos competentes das comunidades autónomas con competencias transferidas.

2. As resolucións do concurso poderanse xebrar por corpos, a fin de que os cesamentos dos funcionarios concursantes poidan ser graduais no tempo, se a Administración considera que a súa acumulación nunha mesma data pode ser prexudicial para o servizo público.

3. Se non se logra a simultaneidade de publicación da resolución no *Diario Oficial de Galicia* e no *Boletín Oficial del Estado*, os prazos computaranse desde o día seguinte ao da publicación no *Boletín Oficial del Estado*.

4. O prazo de toma de posesión será de tres días hábiles se non implica cambio de localidade do funcionario, de oito días hábiles se implica cambio de localidade dentro da comunidade autónoma e de vinte días hábiles se implica cambio de comunidade autónoma, con excepción da Comunidade Autónoma de Canarias, Comunidade Autónoma de Illes Balears, Cidade de Ceuta e Cidade de Melilla, casos estes en que será dun mes tanto se o posto de traballo nas illas ou nas cidades é o de orixe coma se é o de destino.

O dito prazo de toma de posesión comezará a contar a partir do día seguinte ao do cesamento, que se deberá efectuar nas datas que se indiquen na resolución definitiva do concurso.



5. O cómputo dos prazos posesorios iniciarase cando rematen as vacacións, permisos ou licenzas de que estean a gozar os funcionarios, agás que, por circunstancias excepcionais debidamente motivadas, se suspenda ou revogue o seu gozo.

Décima. *Carácter dos destinos adxudicados*

1. Os traslados que deriven da resolución do presente concurso terán a consideración de voluntarios para os efectos previstos no Real decreto 462/2002, do 24 de maio, sobre indemnizacións por razón do servizo.

2. Os destinos adxudicados na resolución definitiva serán irrenunciabes.

Décimo primeira. *Limitación para concursar*

Aqueles funcionarios que obteñan destino definitivo no presente concurso non poderán participar noutro concurso de traslados para o mesmo corpo ou escala ata que non transcorran os prazos establecidos no artigo 529.3 da Lei orgánica 6/1985, do 1 de xullo, do poder xudicial, modificado polo artigo único.124 da Lei orgánica 19/2003, do 23 de decembro, e no artigo 46.1 do Real decreto 1451/2005, do 7 de decembro.

Décimo segunda. *Recursos*

Contra a presente resolución poderase interpoñer recurso potestativo de reposición ante a Dirección Xeral de Xustiza, da Vicepresidencia e Consellería de Presidencia, Administracións Públicas e Xustiza, no prazo dun mes, segundo o establecido nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou ben recurso contencioso-administrativo ante os xulgados centrais do contencioso-administrativo no prazo de dous meses, segundo o disposto no artigo 9 da Lei 29/1998, do 13 de xullo, reguladora da xurisdición contencioso-administrativa, ambos os prazos contados desde o día seguinte ao da súa publicación no *Boletín Oficial del Estado*.

Santiago de Compostela, 6 de xullo de 2018

Juan José Martín Álvarez
Director xeral de Xustiza





ANEXO I

Corpo: Xestión P.A.

Comunidades transferidas

Nº de orde	Denominación	ATP	Localidade	Provincia	Vacantes	Resultas	Idioma
Galicia							
10633	Xulgado de Paz de Arteixo	Xestión P.A. Secretaría	Arteixo	A Coruña	1		S
10636	Xulgado de Paz de Camariñas	Xestión P.A. Secretaría	Camariñas	A Coruña	1		S
3968	Xulgado de Primeira Instancia e Instrución nº 1 (VSM)	Xestión P.A.	Carballo	A Coruña	1	X	S
8220	Xulgado de Paz de Carnota	Xestión P.A. Secretaría	Carnota	A Coruña	1		S
10641	Xulgado de Paz de Cerceda	Xestión P.A. Secretaría	Cerceda	A Coruña	1		S
3974	Xulgado de Primeira Instancia e Instrución nº 1 (VSM)	Xestión P.A.	Corcubión	A Coruña	1	X	S
152	Secretaría de Goberno	Xestión P.A.	Coruña, A	A Coruña	1	X	S
1555	Xulgado de Primeira Instancia nº 1	Xestión P.A.	Coruña, A	A Coruña	1	X	S
1558	Xulgado de Primeira Instancia nº 2	Xestión P.A.	Coruña, A	A Coruña	1	X	S
1581	Xulgado de Primeira Instancia nº 10 (Familia)	Xestión P.A.	Coruña, A	A Coruña	1	X	S
7028	Xulgado do Social nº 2	Xestión P.A.	Coruña, A	A Coruña	1	X	S
14902	Xulgado do Social nº 6	Xestión P.A.	Coruña, A	A Coruña	2		S
10122	Tribunal Superior de Xustiza. Servizo de Apoio	Xestión P.A.	Coruña, A	A Coruña	1	X	S
13406	Xulgado de Primeira Instancia nº 5	Xestión P.A.	Ferrol	A Coruña	1	X	S
14935	Xulgado de Primeira Instancia nº 6	Xestión P.A.	Ferrol	A Coruña	2		S
3995	Xulgado de Primeira Instancia e Instrución nº 1	Xestión P.A.	Ortigueira	A Coruña	1	X	S
11721	Xulgado de Instrución nº 3 (VSM)	Xestión P.A.	Santiago de Compostela	A Coruña	1	X	S
7046	Xulgado do Social nº 2	Xestión P.A.	Santiago de Compostela	A Coruña	1	X	S
11727	Servizo de Apoio	Xestión P.A.	Santiago de Compostela	A Coruña	2	X	S
12115	Xulgado de Primeira Instancia nº 3 (Rexistro Civil)	Xestión P.A.	Lugo	Lugo	1	X	S
10170	Servizo Común de Notificacións e Embargos	Xestión P.A.	Lugo	Lugo	1	X	S
10160	Servizo Común de Apoio	Xestión P.A.	Lugo	Lugo	2	X	S
4330	Xulgado de Primeira Instancia e Instrución nº 1 (VSM)	Xestión P.A.	Mondoñedo	Lugo	1	X	S



Nº de orde	Denominación	ATP	Localidade	Provincia	Vacantes	Resultas	Idioma
4342	Xulgado de Primeira Instancia e Instrución nº 1	Xestión P.A.	Sarria	Lugo	1	X	S
4351	Xulgado de Primeira Instancia e Instrución nº 1 (Registro Civil)	Xestión P.A.	Viveiro	Lugo	1	X	S
11501	Xulgado de Primeira Instancia e Instrución nº 2	Xestión P.A.	Barco de Valdeorras, O	Ourense	1	X	S
14887	Xulgado de Primeira Instancia nº 7	Xestión P.A.	Ourense	Ourense	2		S
6517	Xulgado do Penal nº 2	Xestión P.A.	Ourense	Ourense	1	X	S
4781	Xulgado de Primeira Instancia e Instrución nº 2 (Registro Civil)	Xestión P.A.	Verín	Ourense	1	X	S
10842	Xulgado de Paz de Viana do Bolo	Xestión P.A. Secretaría	Viana do Bolo	Ourense	1		S
4920	Xulgado de Primeira Instancia e Instrución nº 1 (Registro Civil)	Xestión P.A.	Cangas	Pontevedra	1	X	S
4958	Xulgado de Primeira Instancia e Instrución nº 2 (VSM)	Xestión P.A.	Redondela	Pontevedra	1	X	S
2009	Xulgado de Primeira Instancia nº 7	Xestión P.A.	Vigo	Pontevedra	1	X	S
2018	Xulgado de Primeira Instancia nº 10	Xestión P.A.	Vigo	Pontevedra	1	X	S
2024	Xulgado de Primeira Instancia nº 12 (Familia)	Xestión P.A.	Vigo	Pontevedra	1	X	S
14890	Xulgado de Primeira Instancia nº 15	Xestión P.A.	Vigo	Pontevedra	4		S
5882	Xulgado do Contencioso-Administrativo nº 1	Xestión P.A.	Vigo	Pontevedra	1	X	S
10139	Servizo de Apoio	Xestión P.A.	Vigo	Pontevedra	1	X	S

Corpo: Tramitación P.A.

Comunidades transferidas

Nº de orde	Denominación	ATP	Localidade	Provincia	Vacantes	Resultas	Idioma
Galicia							
3963	Xulgado de Primeira Instancia e Instrución nº 2 (Registro Civil)	Tramitación P.A.	Betanzos	A Coruña	1	X	S
153	Secretaría de Goberno	Tramitación P.A.	Coruña, A	A Coruña	1	X	S
159	Tribunal Superior de Xustiza. Sala do Contencioso-Administrativo	Tramitación P.A.	Coruña, A	A Coruña	1	X	S
501	Audiencia Provincial. Sección nº 1 Penal (VSM)	Tramitación P.A.	Coruña, A	A Coruña	1	X	S
503	Audiencia Provincial. Sección nº 2 Penal (Menores)	Tramitación P.A.	Coruña, A	A Coruña	2	X	S
13404	Xulgado do Social nº 5	Tramitación P.A.	Coruña, A	A Coruña	1	X	S
14903	Xulgado do Social nº 6	Tramitación P.A.	Coruña, A	A Coruña	4		S



Nº de orde	Denominación	ATP	Localidade	Provincia	Vacantes	Resultas	Idioma
6265	Xulgado do Penal nº 2	Tramitación P.A.	Coruña, A	A Coruña	1	X	S
10138	Servizo Común de Apoio do Decanato	Tramitación P.A.	Coruña, A	A Coruña	5	X	S
14936	Xulgado de Primeira Instancia nº 6	Tramitación P.A.	Ferrol	A Coruña	4		S
13179	Fiscalía de Área	Tramitación P.A. (GA)	Ferrol	A Coruña	1	X	S
10159	Servizo de Apoio	Tramitación P.A.	Ferrol	A Coruña	1	X	S
4010	Oficina Decanato	Tramitación P.A.	Ribeira	A Coruña	1	X	S
14005	Xulgado do Social nº 3	Tramitación P.A.	Santiago de Compostela	A Coruña	1	X	S
11728	Servizo de Apoio	Tramitación P.A.	Santiago de Compostela	A Coruña	3	X	S
549	Audiencia Provincial. Sección nº 2 Penal (VSM)	Tramitación P.A.	Lugo	Lugo	1	X	S
12128	Xulgado de Instrución nº 3 (VSM)	Tramitación P.A.	Lugo	Lugo	1	X	S
7110	Xulgado do Social nº 1	Tramitación P.A.	Lugo	Lugo	1	X	S
10161	Servizo Común de Apoio	Tramitación P.A.	Lugo	Lugo	3	X	S
4352	Xulgado de Primeira Instancia e Instrución nº 1 (Rexistro Civil)	Tramitación P.A.	Viveiro	Lugo	1	X	S
4755	Xulgado de Primeira Instancia e Instrución nº 1	Tramitación P.A.	Bande	Ourense	1	X	S
655	Audiencia Provincial. Sección nº 2 Penal (Mercantil)	Tramitación P.A.	Ourense	Ourense	1	X	S
12736	Xulgado de Primeira Instancia nº 6 (Familia)	Tramitación P.A.	Ourense	Ourense	1	X	S
14888	Xulgado de Primeira Instancia nº 7	Tramitación P.A.	Ourense	Ourense	4		S
7277	Xulgado do Social nº 2	Tramitación P.A.	Ourense	Ourense	1	X	S
10467	Xulgado do Contencioso-Administrativo nº 2	Tramitación P.A.	Ourense	Ourense	1	X	S
10163	Servizo de Apoio	Tramitación P.A.	Ourense	Ourense	3	X	S
10155	Oficina Decanato	Tramitación P.A.	Cambados	Pontevedra	2	X	S
5877	Xulgado do Contencioso-Administrativo nº 2	Tramitación P.A.	Pontevedra	Pontevedra	1	X	S
14117	Xulgado do Penal nº 4 (VSM)	Tramitación P.A.	Pontevedra	Pontevedra	1	X	S
4903	Servizo Común de Notificacións e Embargos	Tramitación P.A.	Pontevedra	Pontevedra	1	X	S
1094	Oficina Decanato	Tramitación P.A.	Vigo	Pontevedra	1	X	S
708	Audiencia Provincial. Sección nº 5 Penal (Despr. de Pontevedra)	Tramitación P.A.	Vigo	Pontevedra	1	X	S
14891	Xulgado de Primeira Instancia nº 15	Tramitación P.A.	Vigo	Pontevedra	4		S
11181	Xulgado de Instrución nº 8	Tramitación P.A.	Vigo	Pontevedra	1	X	S
5883	Xulgado do Contencioso-Administrativo nº 1	Tramitación P.A.	Vigo	Pontevedra	1	X	S
13416	Xulgado do Mercantil nº 3 (Despr. de Pontevedra)	Tramitación P.A.	Vigo	Pontevedra	1	X	S



Nº de orde	Denominación	ATP	Localidade	Provincia	Vacantes	Resultas	Idioma
10140	Servizo de Apoio	Tramitación P.A.	Vigo	Pontevedra	3	X	S
11687	Instituto Medicina Legal. Subdirección	Tramitación P.A.	Vigo	Pontevedra	1	X	S
10157	Oficina Decanato	Tramitación P.A.	Vilagarcía de Arousa	Pontevedra	1		S

Corpo: auxilio xudicial

Comunidades transferidas

Nº de orde	Denominación	ATP	Localidade	Provincia	Vacantes	Resultas	Idioma
Galicia							
10146	Oficina Decanato	Auxilio Xudicial	Betanzos	A Coruña	1	X	S
1580	Xulgado de Primeira Instancia nº 9	Auxilio Xudicial	Coruña, A	A Coruña	1		S
2648	Xulgado de Instrución nº 2	Auxilio Xudicial	Coruña, A	A Coruña	1	X	S
14904	Xulgado do Social nº 6	Auxilio Xudicial	Coruña, A	A Coruña	2		S
15596	Servizo Común de Apoio do Decanato	Auxilio Xudicial	Coruña, A	A Coruña	1		S
8228	Xulgado de Paz de Culleredo	Auxilio Xudicial	Culleredo	A Coruña	1		S
14937	Xulgado de Primeira Instancia nº 6	Auxilio Xudicial	Ferrol	A Coruña	1		S
11680	Instituto Medicina Legal. Subdirección	Auxilio Xudicial	Ferrol	A Coruña	1		S
4003	Xulgado de Primeira Instancia e Instrución nº 1 (Registro Civil)	Auxilio Xudicial	Ribeira	A Coruña	1	X	S
11720	Xulgado de Instrución nº 2	Auxilio Xudicial	Santiago de Compostela	A Coruña	1		S
12562	Fiscalía de Área	Auxilio Xudicial (GA)	Santiago de Compostela	A Coruña	1		S
14889	Xulgado de Primeira Instancia nº 7	Auxilio Xudicial	Ourense	Ourense	1		S
10164	Servizo de Apoio	Auxilio Xudicial	Ourense	Ourense	2		S
4913	Xulgado de Primeira Instancia e Instrución nº 1	Auxilio Xudicial	Cambados	Pontevedra	1	X	S
12173	Xulgado de Primeira Instancia e Instrución nº 4	Auxilio Xudicial	Cambados	Pontevedra	1	X	S
4945	Xulgado de Primeira Instancia e Instrución nº 2	Auxilio Xudicial	Porriño, O	Pontevedra	1	X	S
1095	Oficina Decanato	Auxilio Xudicial	Vigo	Pontevedra	1		S
14892	Xulgado de Primeira Instancia nº 15	Auxilio Xudicial	Vigo	Pontevedra	1		S
10141	Servizo de Apoio	Auxilio Xudicial	Vigo	Pontevedra	1		S

ANEXO II
Concurso convocado por Resolución da Dirección Xeral de Xustiza do 6 de xullo de 2018

Marque cun X onde proceda:

 V-1

 V-2

 V-3

Selo de Rexistro de Entrada

(A CUBRIR POR COMUNIDADES AUTÓNOMAS OU XERENCIAS TERRITORIAIS)

PUNTUACIÓN POR IDIOMA:

(A CUBRIR POLO/A INTERESADO/A)

NIF:	Primeiro apelido:	Segundo apelido:	Nome:
Órgano xudicial de destino actual (en propiedade ou provisional):			Corpo actual:
Localidade e provincia:			
Corpo para o que participa:		Enderezo do posto de traballo ou domicilio:	
		Móbil/fixo:	
Preferencias por idioma: especifique unicamente o curso de nivel, perfil ou grao superior dos que posúa sinalando 1, 2 ou 3 no recadro do ámbito da comunidade autónoma para a que participa, segundo o establecido na base terceira.2.		C: só peticións condicionadas. Se se acolle á base 5ª da convocatoria, debe especificar a seguir os apelidos, nome e NIF do/da outro/a funcionario/a:	
		Apelidos e nome:	
<input type="checkbox"/> Ámbito C.A. do País Vasco	<input type="checkbox"/> Ámbito C.A. Valenciana	NIF:	
<input type="checkbox"/> Ámbito C.A. de Cataluña	<input type="checkbox"/> Ámbito C.A. Foral de Navarra		
<input type="checkbox"/> Ámbito C.A. de Galicia	<input type="checkbox"/> Ámbito C.A. de Illes Balears		
SITUACIÓN ADMINISTRATIVA. Sinala cun X no recadro sombreado que proceda e cubra os datos que se piden, se é o caso:			
V1	Servizo activo. Se o destino actual foi obtido por: 1) Concurso específico, indique posesión: Día ____/Mes ____/Ano ____ 2) Libre designación, indique posesión: Día ____/Mes ____/Ano ____		
	Comisión de servizos. Indique o órgano xudicial onde se desempeña:		
	Excedencia por coidado de familiares. Indique a data de paso a esta situación: Día ____/Mes ____/Ano ____		
	Servizos especiais.		
V2	Excedencia voluntaria por prestación de servizos no sector público, artigo 506.d) da LOPX 19/2003.		
V3	Exc. vol. por interese particular, artigo 506.e) da LOPX 19/2003. Indique a data de paso a esta situación: Día ____/Mes ____/Ano ____		
	Exc. vol. por agrupación familiar, artigo 506.f) da LOPX 19/2003. Indique a data de paso a esta situación: Día ____/Mes ____/Ano ____		
	Reingreso por adscrición provisional desde a situación de suspensión definitiva, artigo 68.e) do Real decreto 1451/2005.		
	Reingreso por adscrición provisional dos rehabilitados, artigo 72 do Real decreto 1451/2005.		
	Reingreso por adscrición provisional que non teña reserva de posto de traballo, artigo 69 do Real decreto 1451/2005 (deberá achegar o documento F1R polo que foi adscrito/a provisionalmente.)		
	Adscrición provisional por renunciar a un posto obtido por concurso específico, artigo 54 do Real decreto 1451/2005.		
	Adscrición provisional por cesamento ou renuncia nun posto obtido por libre designación, artigo 62 do Real decreto 1451/2005.		
	Reingreso por adscrición provisional por cesamento como letrado/a substituto/a, artigo 70 do Real decreto 1451/2005.		
Reordenación de efectivos, artigo 52.c) do Real decreto 249/1996.			
Reasignación forzosa, artigo 67 do Real decreto 1451/2005.			
P-1: se se atopa en adscrición provisional consonte os artigos 54, 62 ou 70 do Real decreto 1451/2005 e se acolle á preferencia da base segunda, puntos 8 ou 9, especifique a seguir a localidade de adscrición e forneza a documentación acreditativa en fotocopia compulsada:			
Localidade: _____			
P-2: no caso de que se queira acoller á preferencia establecida na base segunda, puntos 11 ou 12, da convocatoria, por reordenación de efectivos ou reasignación forzosa, consonte os artigos 52.c) do Real decreto 249/1996 e 67 do Real decreto 1451/2005, indique a seguir o centro de traballo e a localidade que desexe, e forneza a documentación acreditativa en fotocopia compulsada:			
Centro de traballo: _____			
Localidade: _____			

CVE-DOG: 7znovqx9-niu7-eoe6-5pr9-5uq2r7z85hr0



(Use só esta folia se solicita ata 100 números de orde)

Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria
1		21		41		61		81	
2		22		42		62		82	
3		23		43		63		83	
4		24		44		64		84	
5		25		45		65		85	
6		26		46		66		86	
7		27		47		67		87	
8		28		48		68		88	
9		29		49		69		89	
10		30		50		70		90	
11		31		51		71		91	
12		32		52		72		92	
13		33		53		73		93	
14		34		54		74		94	
15		35		55		75		95	
16		36		56		76		96	
17		37		57		77		97	
18		38		58		78		98	
19		39		59		79		99	
20		40		60		80		100	

..., ... de ... de 2018

Sinatura:

Enderezo de envío da solicitude (léase a base 4ª da convocatoria):

Dirección Xeral de Xustiza da Vicepresidencia e Consellería de Presidencia, Administracións Públicas e Xustiza, da Xunta de Galicia

 Rexistro Xeral da Xunta de Galicia, Edificio Administrativo San Caetano, s/n,
15781 Santiago de Compostela


(Use tamén esta folia se solicita máis de 100 números de orde)

Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria	Nº orde de preferencia	Nº orde de convocatoria
101		121		141		161		181	
102		122		142		162		182	
103		123		143		163		183	
104		124		144		164		184	
105		125		145		165		185	
106		126		146		166		186	
107		127		147		167		187	
108		128		148		168		188	
109		129		149		169		189	
110		130		150		170		190	
111		131		151		171		191	
112		132		152		172		192	
113		133		153		173		193	
114		134		154		174		194	
115		135		155		175		195	
116		136		156		176		196	
117		137		157		177		197	
118		138		158		178		198	
119		139		159		179		199	
120		140		160		180		200	

..., ... de ... de 2018

Sinatura:

Enderezo de envío da solicitude (léase a base 4ª da convocatoria):

Dirección Xeral de Xustiza da Vicepresidencia e Consellería de Presidencia, Administracións Públicas e Xustiza, da Xunta de Galicia

Rexistro Xeral da Xunta de Galicia, Edificio Administrativo San Caetano, s/n,
15781 Santiago de Compostela

CVE-DOG: 7znovqx9-niu7-ee6-5pr9-5uq2r7z85hr0



ANEXO IV
Modelo de alegacións

Concurso convocado por Resolución da Dirección Xeral de Xustiza do 6 de xullo de 2018

NIF:	Primeiro apelido:	Segundo apelido:	Nome:
------	-------------------	------------------	-------

Modelo de instancia co que participou (sinala o que proceda):	V-1	<input type="checkbox"/>	V-2	<input type="checkbox"/>	V-3	<input type="checkbox"/>
Corpo para o que participou (sinala o que proceda):	XE	<input type="checkbox"/>	TR	<input type="checkbox"/>	AU	<input type="checkbox"/>

Causa da alegación (marque cun x no recadro que proceda):

a) Exclusión do concurso b) Non obtención de destino c) Desconformidade co destino obtido d) Desconformidade coa antigüidade e) Outros

As alegacións débense expor de forma clara e sucinta, exclusivamente na epígrafe reservada para o efecto. En caso de mención dun/dunha funcionario/a afectado/a, indíquese o NIF

Alegacións

Data:

Sinatura

Ministerio de Xustiza. Subdirección Xeral de Medios Persoais
Ao Servizo da Administración de Xustiza
R/ San Bernardo, 21, Sección Concursos (despacho 220)
28015 Madrid

CVE-DOG: 7znovqx9-niu7-ee6-5pr9-5uq2r7z85hr0

